

故宮博物院藏

四庫

全書

撤出本

彙編

第八冊

故宮博物院編
故宮出版社

第八册 目錄

南北史合注卷五十七—卷六十六 一

卷五十七 三

卷五十八 五七

卷五十九 一一一

卷六十 一八三

卷六十一 二一七

卷六十二 二五七

卷六十三 三一

卷六十四 三五三

卷六十五 三九九

卷六十六 四六七

欽定四庫全書

史部

南北史合注卷五十七至
九

第三分

欽定四庫全書

南北史合注卷五十七

明李清撰

列傳第四十六

南史五十七

張弘策

續

庾域

子子興

鄭紹叔

呂僧珍

樂藹

范鎮

張弘策字真簡范陽方城人梁文獻后從父兄父安之

青州主簿南蠻行參軍弘策幼而孝母嘗有疾五日不食弘策亦不食母彊為進粥弘策乃食母所餘遭母憂三年不食鹽菜幾至滅性兄弟友愛不忍暫離雖各有室常同卧起世比之姜肱兄弟弘策與梁武年相輩幼見親狎恒相隨游處每入室常覺有雲氣體肅然弘策由此時加敬異建武末舉兄弘胄從梁武宿酒酣移席星下語及時事梁武曰天下方亂舅知之乎冬下魏軍方動則亡漢北王敬則猜嫌已久當乘間而作弘策曰

敬則張兩赤眼容能立事梁武曰敬則庸才為天下唱
先爾主上運祚盡於來年國權當歸江劉而江甚隘劉
又闇弱都下當大亂死人如紛麻齊歷自茲亡矣梁楚
漢當有英雄興弘策曰瞻烏爰止于誰之屋梁武笑曰
先武所云安知非僕弘策起曰今夜之言是天意也請
定君臣之分梁武曰舅欲數鄧晨乎是冬魏軍攻新野
齊明帝密詔梁武代曹虎監雍州事弘策聞之喜謂武
帝曰夜中言當驗梁武笑曰且勿多言弘策從梁武西

行仍參帷幄身親勞役不憚辛苦齊明帝崩遺詔梁武
刺史雍州乃表弘策為錄事參軍帶襄陽令梁武觀海
內方亂有匡濟心密為儲備謀猷所及唯弘策而已時
梁武長兄懿罷益州還為西中郎長史行郢州事梁武
使弘策到郢陳計於懿曰昔晉惠庸主諸王爭權遂內
難九興外寇三作方今喪亂有甚於此六貴爭權人握
王憲制主畫敕各欲專成且嗣主在宮本無令譽媒近
左右蜂目忍人一居萬機恣其所欲豈肯虛坐主諾委

政朝臣積相嫌貳必大誅戮始安欲為趙論形迹已露
蹇人上天信無此理且性甚猜狹徒取禍機所可當軸
江劉而已祐怯而無斷暄弱而不才折鼎覆餗跂踵可
待蕭坦胞懷猜忌動言相傷徐孝嗣才非柱石聽人穿
鼻若隙開釁起必中外土崩今得外藩幸圖身計及今
猜防未生宜召諸弟以時聚集郢州控帶荆湘西注漢
沔雍州士馬呼吸數萬時安則竭誠本朝時亂則為國
翦暴如不早圖悔無及也

梁書載弘策言曰今齊德告微四海方亂蒼生會應
有主郢州居中流之要雍部有戎馬之饒卿兄弟英
武當今無敵虎據二州三分天下糾合義兵為民請
命廢昏立明易於反掌則不世之功可建無為豎子
所欺取笑身後雍州揣之已熟願善圖之 愚按兩
書所載微異今兼收之

懿聞之變色心未許及懿遇禍梁武將起兵夜召弘策
呂僧珍入定議旦乃發兵以弘策為輔國將軍軍主領

萬人叔後部事及郢城平蕭穎達楊公則諸將皆欲頓
軍夏口梁武謂宜乘勝長歐直指建鄴弘策與梁武意
合又訪寧朔將軍庾域域又同即日上道凡磯浦村落
軍行宿次立頓處所弘策預為圖皆在其目中城平梁
武遣弘策與呂僧珍先往清宮封檢府庫時城內珍寶
委積弘策申勒部曲秋毫無犯遷衛尉卿天監初加散
騎常侍封洮陽縣侯弘策盡忠奉上知無不為交友故
舊隨才薦拔縉紳皆趨焉時東昏餘黨孫文明等初逢

赦今多未自安文明又嘗夢乘馬至雲龍門心惑其夢
遂作亂帥數百人因運荻炬束仗得入南北掖門至夜
焚神虎門摠章觀入衛尉府弘策踰垣匿于龍廡遇賊
見害

梁書曰弘策方救火盜潛夜害之與此不同

賊又焚尚書省及閣道雲龍門前軍司馬呂僧珍直殿
省帥羽林兵邀擊不能却帝戎服御前殿謂僧珍曰賊
夜來恃衆少曉則走矣命打五鼓賊謂已曉乃散官軍

捕文明斬于東市張氏親屬齎食之帝哭之慟曰痛哉
衛尉天下事當復與誰論詔贈車騎將軍謚曰閔弘策
為人寬厚通率篤舊故及居隆重不以貴地自高故人
賓客接之如布衣祿賜皆散親友及遇害莫不痛惜子
緬嗣緬字元長年數歲外祖中山劉仲德異之曰此兒
非常器非止為張氏寶方為海內今名齊永元末兵起
弘策從梁武向都留緬襄陽年始十歲每聞軍有勝負
憂喜形於顏色及弘策遇害緬痛父酷喪過於禮帝每

遣喻之服闋襲封起家秘書郎出為淮南太守時年十八帝疑其年少未閑吏事遣主書封取郡曹文案見其斷決允愜甚稱賞之再遷雲麾外兵參軍緬少勤學自課讀書手不輟卷

梁書曰尤明後漢及晉代衆家

有質疑者隨問便對畧無遺失殿中郎缺帝謂徐勉曰此曹舊用文學且鴈行之首宜詳擇其人勉舉緬充選頃之為武陵太守還拜太子洗馬中舍人緬母劉氏以

父沒家貧葬禮有闕遂中身不居正室不隨子入官府
緬在郡所得俸祿不敢用至乃妻子不易衣裳及還都
並供之母賑遺親屬雖累載所蓄一朝隨盡緬私室常
閒然如貧素者累遷豫章內史緬為政任恩惠不設鈎
距吏民化其德亦不敢欺故老咸云數十年未有也後
為御史中丞坐收捕人與外國史聞左降黃門兼領先
職我復舊任緬居憲司推繩無所顧望號為勁直帝乃
遣圖其形於臺省以勵當官遷侍中未拜卒詔便舉哀

昭明太子亦往臨哭

梁書太太子與緬弟纘書曰賢兄學業該通蒞事明
敏雖倚相讀墳典卻穀敦詩書茂以斯過自列宮朝
二紀將及義惟僚屬情實親友文筵講席朝遊夕宴
何嘗不同茲賞共此言寄如何此謝奄然不追且年
甫強仕方申才力摧苗落穎彌可復惋

緬抄後漢晉書抄三十卷又抄江左集未及成文集五
卷緬弟纘字伯緒出斷從伯弘籍弘籍武帝舅也梁初

贈廷尉卿纘年十一尚武帝第四女富陽公主拜駙馬
都尉召補國子生起家祕書郎時年十七身長七尺四
寸眉目踈朗神采爽發帝異之嘗曰張壯武云後八世
有逮吾者其此子乎纘好學兄緬愛墳籍聚書萬卷晝
夜披讀殆不輟手祕書郎有四員宋齊以來為甲族起
家之選待次入補其居職例不數十日便遷纘固求不
徙欲遍觀閣內書籍帝執四部書目曰君讀此畢可言
優仕矣如此三載方遷太子舍人轉洗馬中舍人並掌